



Broj/Број: 01/2a-50-1-2-40/09
Sarajevo/Сарајево, 19.3.2009.godine

ZAPISNIK
40. sjednice Komisije za vanjske poslove
Predstavničkog doma Parlamentarne skupštine BiH,
održane 17.3. 2009.

Sjednica Komisije počela je u 15 sati. Sjednici su prisustvovali članovi Komisije: Slavko Matić, Azra Hadžiahmetović, Milorad Živković, Azra Alajbegović, Husein Nanić i Sadik Ahmetović.

Sjednici nisu prisustvovali: Milica Marković, Sefer Halilović i Denis Bećirović.

Osim članova Komisije, sjednici su prisustvovali i: Draženka Malićbegović iz Ministarstva civilnih poslova BiH, Midhat Salić iz Ministarstva vanjske trgovine i ekonomskih odnosa BiH, Vera Letica i Miroljub Krunic iz Ministarstva finansija i trezora BiH, i Mirko Šekara iz Ministarstva prometa i komunikacija BiH.

Zapisnik je vodio Miroslav Stanišić, stručni saradnik u Komisiji za vanjske poslove.

Za sjednicu Komisije jednoglasno je usvojen sljedeći

DNEVNI RED

1. Usvajanje Zapisnika 39. sjednice Komisije;
2. Davanje mišljenja o saglasnosti za ratificiranje:
 - a) Sporazuma o grantu Globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za realizaciju sredstava Globalnog fonda za okoliš – *Projekat šumskih i planinskih područja* (resorno ministarstvo: Ministarstvo finansija i trezora BiH);
 - b) Sporazuma o finansiranju između Bosne i Hercegovine i Komisije Evropskih zajednica o programu finansiranja učešća Bosne i Hercegovine u ERDF Evropskom programu međunarodne teritorijalne saradnje *Prostor jugoistočne Evrope* na osnovu instrumenta za prepristupnu pomoć (IPA), komponenta prekogranične saradnje, za 2007. godinu (resorno ministarstvo: Ministarstvo financija i trezora BiH);
 - c) Ugovora o finansiranju između Bosne i Hercegovine i Evropske investicione banke – *Projekat Koridor Vc – prva faza – sjever* (resorno ministarstvo: Ministarstvo finansija i trezora BiH);

- d) Sporazuma o privrednoj saradnji između Vijeća ministara BiH i Vlade Republike Slovenije (resorno ministarstvo: Ministarstvo vanjske trgovine i ekonomskih odnosa BiH);
 - e) Deklaracije o dugoročnom programu regionalne saradnje i razvoja u oblasti mentalnog zdravlja u zemljama jugoistočne Evrope (resorno ministarstvo: Ministarstvo civilnih poslova BiH);
 - f) Sporazuma između Vijeća ministara BiH i Vlade Republike Albanije o međunarodnom drumskom prijevozu putnika i tereta (resorno ministarstvo: Ministarstvo prometa i komunikacija BiH);
3. Razmatranje Orijentacionog radnog plana Komisije za vanjske poslove u 2009. godini;
4. Izvještaji i materijali pristigli na Komisiju:
- Zabilješka sa sastanka članova Zajedničke komisije za evropske integracije PSBiH s Jelkom Kacinom, poslanikom u Evropskom parlamentu, u svojstvu izaslanika Hansa Gerta Pottinga;
5. Tekuća pitanja.

Ad.1. Usvajanje Zapisnika 39. sjednice Komisije

Nije bilo primjedbi i članovi Komisije su jednoglasno usvojili Zapisnik 39. sjednice Komisije za vanjske poslove.

Ad. 2. a) Davanje mišljenja o saglasnosti za ratificiranje Sporazuma o grantu Globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za realizaciju sredstava Globalnog fonda za okoliš – *Projekat šumskih i planinskih područja*

Miroljub Krunic iz Ministarstva finansija i trezora BiH kazao je da se radi o Sporazumu čija je vrijednost 3.10 miliona dolara i da su sredstva namijenjena osiguranju šumskih zaštićenih područja u Bosni i Hercegovini. Jednim dijelom ta sredstva ticat će se i izrade studija da bi se neka druga područja proglasila zaštićenim zonama. Kazao je da su Sporazum prihvatila oba entiteta te da su prihvaćene osnovne komponente u cjelokupnom prijedlogu kao i da je Sporazum prošao svu neophodnu proceduru.

Slavko Matić pitao je da li na nivou Vijeća ministara BiH ima neki sektor koji se, u operativnom smislu, bavi okolišem.

Miroljub Krunic kazao je da je Ministarstvo vanjske trgovine i ekonomskih odnosa BiH na neki način u vezi s ovim pitanjima. O tom pitanju nije se došlo u potpunosti do saglasnosti o tome na koji način i u kojoj mjeri upravljati resursima u BiH sa pozicije jednog mjesta. Na neki način i pored toga Ministarstvo vanjske trgovine i ekonomskih odnosa BiH ostalo je relativno blago vezano za problematiku koja je u ovom kontekstu aktuelna i oni su jedini u tom smislu koji prate ovaj proces. Pošto se radi o finansijskim vrijednostima, Ministarstvo finansija i trezora BiH je, po osnovu zakona, nadležno da provodi takve procedure i u tom kontekstu se pojavljuje ovdje u ulozi predlagača.

Nakon toga članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog sporazuma.

Ad. 2. b) Davanje mišljenja o saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica o programu finansiranja

učesća Bosne i Hercegovine u ERDF Evropskom programu međunarodne teritorijalne saradnje *Prostor jugoistočne Evrope* na osnovu instrumenta za pretpristupnu pomoć (IPA), komponenta prekogranične saradnje, za 2007. godinu

Vera Letica iz Ministarstva finansija i trezora BiH kazala je da je ERDF evropski regionalni razvojni fond i da se u Sporazumu radi o sredstvima IPA komponente. Bosna i Hercegovina kao potencijalni kandidat za prijem u Evropsku uniju ima pristup IPA komponenti iz koje bi gradila kapacitete i strukture na svom putu ka statusu kandidata za članstvo u Evropskoj uniji.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog sporazuma.

Ad. 2. c) Davanje mišljenja o saglasnosti za ratificiranje Ugovora o finansiranju između Bosne i Hercegovine i Evropske investicione banke – *Projekat Koridor Vc – prva faza – sjever*

Miroljub Krunic iz Ministarstva finansija i trezora BiH kazao je da se radi o Sporazumu s Evropskom investicionom bankom o kreditu sa standardnim finansijskim uslovima koji se odnosi na dionicu *Koridora Vc* u dužini oko 15 km. Kredit iznosi 75 miliona eura. Ova banka je kofinansijer u ovom poslu, kazao je, pored ostalog, Miroljub Krunic.

Predsjedavajući Slavko Matić pitao je kada će finansijska sredstva biti operativna.

Miroljub Krunic rekao je da je efektivnost sredstava uslovljena ratifikacijom. Nakon ratifikacije postoji obaveza dostaviti pravno mišljenje koje izdaje nadležno Ministarstvo pravde BiH, a u kojem se ističe činjenica da su stečeni svi neophodni uslovi da Sporazum može biti proveden. Osim toga, moraju se uraditi studije uticaja ovog projekta na okoliš i nakon toga se stiču uslovi da ova sredstva mogu biti efektivna.

Članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog ugovora.

Ad. 2. d) Davanje mišljenja o saglasnosti za ratificiranje Sporazuma o privrednoj saradnji između Vijeća ministara BiH i Vlade Republike Slovenije

Midhat Salić iz Ministarstva vanjske trgovine i ekonomskih odnosa BiH rekao je da je ovo jedan u nizu ovakvih sporazuma. On daje pravni okvir, intenzivira i jača privrednu saradnju na principu reciprociteta, ravnopravnosti i robne koristi. Kazao je da je provedena sva neophodna procedura prema zakonu o postupku zaključivanja međunarodnih ugovora.

Članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog sporazuma.

Ad. 2. e) Davanje mišljenja o saglasnosti za ratificiranje Deklaracije o dugoročnom programu regionalne saradnje i razvoja u oblasti mentalnog zdravlja u zemljama jugoistočne Evrope

Draženka Malićbegović iz Ministarstva civilnih poslova BiH kazala je da je ova deklaracija izraz volje ministara zdravlja zemalja jugoistočne Evrope kojom potvrđuju transformiranje projekta mentalnog zdravlja koji je protekle godine egzistirao i nastavlja raditi kao regionalni centar za mentalno zdravlje. Već je pokrenut postupak za formiranje regionalnog centra za mentalno

zdravlje tako da ratificiranjem ove deklaracije potvrđujemo jednu aktivnost u oblasti zdravstvene mreže u jugoistočnoj Evropi.

Članovi Komisije jednoglasno su dali pozitivno mišljenje Predstavničkom domu u vezi s ratifikacijom ove deklaracije.

Ad. 2. f) Davanje mišljenja o suglasnosti za ratificiranje Sporazuma između Vijeća ministara BiH i Vlade Republike Albanije o međunarodnom drumskom prijevozu putnika i tereta

Mirko Šekara iz Ministarstva prometa i komunikacija BiH kazao je da je ovo jedan u nizu sporazuma koje BiH zaključuje s drugim državama. Ovaj sporazum sklopljen je na bazi reciprociteta i njime se uređuje oblast drumskog saobraćaja u prijevozu putnika i robe. Na osnovu protokola potpisanog prilikom usaglašavanja Sporazuma, ovaj dio prijevoza robe odvija se potpuno liberalno. Sporazum ne podrazumijeva nikakva finansijska sredstva, kazao je na kraju Mirko Šekara.

Članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog sporazuma.

Ad. 3. Razmatranje Orijentacionog radnog plana Komisije za vanjske poslove u 2009. godini

S obzirom da, nakon davanja mišljenja o sporazumima, nije bilo više kvoruma, Komisija nije razmatrala Orijentacioni radni plan Komisije za vanjske poslove u 2009. godini i donijela je zaključak prema kojemu se **obavještavaju članovi Komisije da, u skladu sa zaključkom sa 38. sjednice Komisije za vanjske poslove, još uvijek mogu dostaviti svoje prijedloge i sugestije za Orijentacioni radni plan u 2009. godini, kako bi on konačno bio razmatran i usvojen na narednoj sjednici.**

Sjednica je završena u 15,35 sati.

Zapisnik sačinio:

Miroslav Stanišić, stručni saradnik u Komisiji za vanjske poslove.

Sekretar Komisije

Merdžana Iglica

Predsjedavajući

Slavko Matić

Kopija MVP-u BiH